



NORSPIS

Norsk kvalitetsregister for
behandling av spiseforstyrrelser

Æjgádijda/ávdástiddijda vuollel 16 jagák pasientajda

Diehtujuohkemtjála Norsk kvalitetsregister for behandling av spiseforstyrrelser (NORSPIS) birra

Dát la tjála diedoj Norsk kvalitetsregister for behandling av spiseforstyrrelser (NORSPIS) birra. Ánodip tjállaga tjadá lågå, ja mánájnít sáhkada daj diedoj birra ma dáppe tjuodtju. Válde aktivuodav giehtadalliin sierratjehppe varresvuodadienvastusán jali NORSPIS:ajn jus la mige man birra juorrula.

Manen dáv diehtujuohkemtjállagav oattjov?

Dáv diehtujuohkemtjállagav oattjo danen gå **duv mánná guhti I vuollel 16 jagák** la átsádime vuolen jali giehtadallamin sierratjehppe varresvuodadienvastusán nágin bárrámmasjvalisvuoda diehti. NORSPIS tjoahkki diedojt divna pasientaj birra gesi dát guosská. Tjállagin gávna diedojt gáktu NORSPIS giehtadallá ja adná diedojt mánát birra, makkir rievtesvuoda dujna li, ja gáktu máhtá dajt rievtesvuodajt ávkástallat.

Majt hæhttuv dahkat?

I dárba majdik dahkat jus dáhkkida mánát diedo vuorkkiduvvi ja aneduvvi dagu dán diehtotjállagin gávviduvvá. Jus i sidá diedo mánát birra galggi vuorkkiduvvat ja NORSPIS:an aneduvvat, de hæhttu mánát ávdås vuornnot (gehtja vuollelin).

Mij la NORSPIS?

NORSPIS la nasjávnnálasj medisijnalasj kvalítiehttaregistar, mij tjoahkki diedojt divna pasientaj birra gudi átsáduvvi jali giehtadaláduvvi bárrámmasjvalisvuoda diehti vuona sierratjehppe varresvuodadienvastusán. NORSPIS:a ulmme I: 1) oahppat ienebut bárrámmasjvalisvuodaj ja daj giehtadallama birra, 2) buoredit giehtadallamfálaldagáv mij vatteduvvá. Ietjá oasseulmme NORSPISAJN la viehkedit bárrámmasjvalisvuoda dutkama hárráj. Nordlándá skihppijviesso VV vásstet regisstara ávdås, ja bærrájgæhttjá persávnna- ja varresvuodadieno registarin jasskis láhkáj giehtadaláduvvi, váj persávnnašuođalimev ja sjávodisvuoda vælgov állidip. Helseregisterloven ja Forskrift om medisinske kvalitetsregistre mierredi gáktu NORSPIS dájmaduvvá.

Makkir diedo viettjaduvvi ja NORSPIS:aj vuorkkiduvvi, ja gásstá da viettjaduvvi?

Diedo ma registrieriduvvi li namma, riegiádimnummar ja vásstádusá gatjálvissjiemán pasientas ja giehtadalles giehtadallama álgo ja lårpa rájes. Dábálasj la pasientav jali æjgádav/ávdástiddjev gatjálvissjiemáv dievddet oassen átsádimes sierratjehppe varresvuodadienvastusán. Sjiemá li mánát vájvii birra, ja gáktu árggabiejvev váset. Duodden mánná, jali dán mánát ávdås, vásstet gáktu giehtadallam la læhkám ja makkir ávkke I dassta læhkám. Jus mánnát la dævdám 16 jage gå giehtadallam la állim, de NORSPIS aj sáddi gatjálvissjiemáv jagev manjela gå giehtadallam la állim.

Giehtadalle/giehtadallamsadje vásstet gatjálvisájda makkir bárrámmasjvalisvuohka I, ietjá skihpudagá, makkir giehtadallamav li vaddám ja muhtem medisijnalasj gatjálvisájda dagu man lássát ja allak la. Ihkap giehtadalle/giehtadallamsadje pasientajournálan lårhká, váj bærrájgæhttjá giehtadallamdiedo majt NORSPIS:aj tjállli li duolla. NORSPIS máhttá aj dájtt ja muodugasj diedojt viettjat Norsk pasientregisteris.

Namma ja riegiádimnummar tjáleduvvi váj diedo riehta ulmuttijt tjanáduvvi. Dáv dahkap váj lip állu vissása NORSPIS diedo li duolla, váj máhtte pasientav ájge nallujt tjuovvolit jus moatten sajen giehtadaláduvvá, ja váj galggá buktet NORSPIS dáhtájt ietjá registarit buohstahttet. Dássju sij gudi registarit bessit oadtju gæhttjat gesi diedo gulluji. Juohkkahattjan guhti registarit bæssá la sjávodisvuoda vælggo. Diedo ihkevájggáj registarit vuorkkiduvvi, jali nav guhkev gå NORSPIS dajt dárba.

Gáktu NORSPIS diedo aneduvvi?

NORSPIS diedo máhtti dássju aneduvvat dagu I NORSPIS ulme ja njuolgasusáj milta mierreduvvam. NORSPIS diedo aneduvvi rappártájt ja statistihkajt dagátjit. Bæssá NORSPIS:as diedojt áhtsát adnet kvalítiehtta- jali dutkamprosjevtajda, aj institusjávnnáj rastá (buojkulvissaj moatte skihppijvieson). De galggi prosjevtá dáhkkiduvvat guoskavasj ásadusájs, gánná dat gájbbeduvvá. Diedo dábálattjat gálggiduvvi namáj, riegiádimnummarit jali ietjá diedojt daji majt máhttá dábddát, muhtem kávdá baktu mij pasientav ietjas diedojda tjadná. Ihkap báhti sierra ánodime duodde diedojt buvtájt, buojkulvissaj dutkamprosjevtajs, valla mánát ávdås besa dájtt hilggot. NORSPIS

persávnndiedo máhtti aktij biejaduvvat (buohtastahteduvvat) ietjá regisstarij diedoj. Divna almoduvvam báhtusa ja statistihka ma adni NORSPIS diedojt, li namádis, navti ij máhta ájnegis pasientav gávnnat.

Duv rievtesvuoda æjgádin/ávdástiddjen

Dujna l rievtesvuolta mierredit mánnát ij galga NORSPIS:aj oassálasstet. De galga mánát bieles vuornnot. Dáv besa dahkat akta ber goassa sidá, váni makkirak siváv tjállet ja dat ij sjatta vájkkudit mánát giehtadallamij dálla jalik boahhteáiggáj. Jus mánát bieles vuorno, de NORSPIS diedo ierit sihkoduvvi. Besa ánodit gæhtttjat diedojt ma li vuorkkiduvvam, ja vigijt duollit . Besa aj gæhtttjat gudi li bessam vuojnnet jali oadtjum varresvuodadiedojt mánát birra. Besa Nordlándá skihppijvieso persávnndasuodjalimoahhtses viehkev ánodit. Jus miejnni diedo boasstot giehtadaláduvvi, de besa Dáhtábærrággæhtttjuj jali Stáhta varresvuodagæhtttjuj gujddit.

Gáktu mánát ávdás vuornnot

1. Máhtá juogu de: Mánát ávdás vuornnot Helsenorge:n. Lággi sisi diehki www.helsenorge.no ja vállji mánát ávdásta. Dieddela máná namáv -> Profil og innstillinger -> Personverninnstillinger. Dieddela boalov «Endre innstillinger» válljimin «Forskning, screening og helseregistre». Vállji «Norsk kvalitetsregister for behandling av spiseforstyrrelser (NORSPIS)», dieddela «Reservasjon mot lagring av personopplysninger i NORSPIS». Ruossista ja dieddela «Jeg reserverer meg».
2. Jali: Válde aktijvuodav NORSPIS:ajn, de duv ávdás vuornnot. Oattjo tjálasj duodastusáv dån la mánát ávdás vuornnum diehtjuohkemis.

Ienep diedo

Mijá næhttabielen norspis.no vuojná:

- Makkir diedojt NORSPIS registrieri.
- Aktelt diedo gáktu regisstara diedo li aneduvvam.

Gáktu NORSPIS:ajn guládallat

- Telefávnna: 75501081
- E-poassta: norspis@nlsh.no (Ale hielles diedojt epásta baktu sáddi)
- Poasstaadræssa: NORSPIS, Nordlandssykehuset HF, Regionalt senter for spiseforstyrrelser, Postboks 1480, 8092 Bodø

Nordlándá skihppijvieso persávnndasuodjalimoahhtse guládallamdiedo

- Telefávnna: 75571927
- E-poassta: personvernombudet@nordlandssykehuset.no (Ale hielles diedojt epásta baktu sáddi)
- Jus sidá persávnndasuodjalimoahhtse birra ienebut diehtet: www.nlsh.no

Dáhtábærrággæhtjo guládallamdiedo

- Telefávnna: 22396900
- Poasstaadræssa: Datatilsynet, Postboks 458 Sentrum, 0105 Oslo
- Jus sidá ienebut diehtet gáktu besa gujddit ja makkira duv rievtesvuoda persávnndasuodjalime hárráj li: www.datatilsynet.no

Stáhta varresvuodabærrággæhtjo guládallamdiedo

- Telefávnna: 21529900
- Poasstaadræssa: Statens helsetilsyn, Postboks 231 Skøyen, 0213 Oslo
- Ienep diedo: www.helsetilsynet.no

Gijtto gájkajda gudi li NorSpis:ajn viehkdam!